



## **TOSHKENT DAVLAT YURIDIK UNIVERSITETI REKTORINING BUYRUG'I**

---

04.03.2022 yil

49 tm-son

### **Talabaga hayfsan e'lon qilish to'g'risida**

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet ichki tartib qoidalarini buzish holatlari kuzatilmoqda. Xususan, 2022-yil 23-fevral kuni soat 08:47 da Ommaviy huquq fakulteti 2-kurs talabasi Aitbayev Anvar Xaitbayevich dars mashg'ulotiga 17 daqiqa kech qolgan holda universitet 3-o'quv binosiga kelgan. Kirishda turgan fakultet tyutorlari B. Avliyoqulov, O.Otamirzayev va milliy gvardiya qo'riqlash xodimi M.Musayevlarning ushbu talaba kech qolganligi sababli shaxsini tasdiqlash va tushuntirish olish maqsadida to'xtatilishiga qaramasdan ularning qonuniy talabiga bo'ysunmasdan hamda ID-kartasi va talabalik guvohnomasini yonida emasligini aytgan holda tartib-qoidaga amal qilmasdan, universitet hovlisiga kirib ketgan.

Tyutor B.Avliyoqulov talabaning ortidan holat yuzasidan tushuntirish olmoqchi bo'lganda, talaba A.Aitbayev ovozini baland holda ko'tarib, universitet hovlisida odamlar oldida tyutorini sensirab qo'pol muomalada bo'ganligi aniqlandi.

Talaba mazkur xatti-harakatlari bilan Toshkent davlat yuridik universiteti Odob-axloq kodeksi 15-moddasi (xodim, talaba va doktorantlar dars mashg'ulotlari va ishga o'z vaqtida kelishlari, mehnat hamda o'qish intizomiga rioya qilishlari shart), 18-moddasining 1-qismi (Xodim, talaba va doktorantlarning o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi lozim), 2-qismi (xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, o'zganing intellektual mulkini o'zlashtirib olish, qo'pollik, behayo so'zlar ishlatish, mushtlashish qat'iyan man etiladi) 26-moddasining 2-qismi 17-xatboshi (haqiqatni gapirishga, rahbarlar va boshqa xodimlarni chalg'itmaslikka majbur)da belgilangan qoidalarini buzgan.

Yuqoridagilarni inobatga olib, Oliy ta'lim to'g'risidagi nizom (2003 yil 22 fevral, ro'yxat raqami 1222) 51-bandi va universitet rektorining 2021-yil 1-martdagi 08-44-son buyrug'i bilan tasdiqlangan Toshkent davlat yuridik universiteti Ichki tartib qoidalarining 83-bandiga asosan hamda Ommaviy huquq fakulteti dekani Sh.Saydullayevning bildirgisiga muvofiq,

#### BUYURAMAN:

1. Universitetning Odob-axloq kodeksi qoidalarini buzganligi uchun Ommaviy huquq fakulteti 2-kurs talabasi Aitbayev Anvar Xaitbayevichga hayfsan intizomiy jazo chorasi qo'llanilsin.

2. Ommaviy huquq fakulteti dekani (Sh.Saydullayev):  
ushbu buyruq bilan fakultet talabalarini tanishtirsin;  
mazkur holat takror sodir etilsa mazkur talabalarni talabalar safidan chetlashtirilishi to'g'risida ogohlantirsin;  
mazkur talabalarning shaxsiy hujjatlar yig'majildiga buyruq nusxasi tikilishini ta'minlasin.

3.Mazkur buyruq bajarilishini nazorat qilish prorektor

A.Xashimhonov zimmasiga yuklansin.

**Rektor**



**A.TASHKULOV**

Toshkent shahar

**Kiritildi:**

Dekan(an doktori yoki fan doktori(Doctor of Science) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki professor ilmiy unvoniga ega bo'lgan)

SH.SAYDULLAYEV

**Kelishildi:**

Devonxona mudiri

X.ABDULLAYEV



YOshlar masalalari va ma'naviy-ma'rifiy ishlar bo'yicha prorektor

A.XASHIMHONOV



Rektor yordamchisi

S.IBODULLAYEV



Katta yuriskonsult

E.XOSILOV

